

Luganda - Abakazi Byawandiilubwa - Wives Scriptures

Abaefeeso 5:22-24 Abakazi, muwulirenga babbammwe, nga bwe muwulira Mukama waffe. 23 Kubanga omusajja gwe mutwe gwa mukazi we, era nga Kristo bw'ali omutwe gw'ekkanisa, bw'ali omulokozi ow'omubiri yennyini. 24 Naye ng'ekkanisa bw'ewulira Kristo, n'abakazi bwe batyo bawulirenga babbaabwe mu buli kigambo.

Abaefeeso 5:31,33 Omuntu kyanaavaaga aleka kitaawe ne nnyina ne yeegatta ne mukazi we; nabo bombi banaabanga omubiri gumu. 33 Naye era nammwe buli muntu ayagalenga mukazi we nga bwe yeeyagala yekka; n'omukazi atyenga bba.

1 Abakkolinso 7:3 Omusajja asasulenga mukazi we ekyo ekimugwanira: era n'omukazi asasulenga bw'atyo omusajja.

1 Abakkolinso 7:34 Era waliwo enjawulo ku mufumbo n'omuwala. Atafiumbirwa yeeraliikirira bya Mukama waffe, abeerenga mutukuvu omubiri n'omwoyo: naye afumbirwa yeeraliikirira bya mu nsi, bw'anaasanyusanga musajja we.

Abakkolosaayi 3:18 Abakazi, muwulirenga babbammwe, nga bwe kiri ekirungi mu Mukama waffe.

1 Timoseewo 2:11-15 Omukazi ayigenga mu bukkakkamu mu kugonda kwonna. 12 Naye omukazi mmugaanyi okuyigirizanga, newakubadde okufuganga omusajja, naye okubeeranga mu bukkakkamu. 13 Kubanga Adamu ye yasooka okutondebwa, oluvannyuma Kaawa; 14 era Adamu si ye yalimbibwa, naye omukazi oli ye yalimbibwa n'aba mu kwonoona: 15 naye anaalokokanga mu kuzaala, bwe banaanyiikiranga mu kukkiriza n'okwagala n'obutukuvu awamu n'okwegendereza.

Olubereberye 3:16 N'agamba omukazi nti Okwongera naakwongerangako obulumi bwo n'okubeeranga kwo olubuto; mu bulumi mw'onoozaaliranga abaana; n'okwegomba kwo kunaabanga eri musajja wo, naye anaakuuganga.

1 Peetero 3:1,2 Bwe mutyo, abakazi, mugonderenga babbammwe bennyini; era bwe wabangawo abatakkiriza kigambo, balyoke bafunibwenga awatali kigambo olw'empisa z'abakazi baabwe; 2 bwe balaba empisa zammwe ennongoofu ez'okutya.

Tito 2:1-5 Naye ggwe yogeranga ebisaanira okuyigiriza okw'obulamu: 2 abasajja abakadde balemenga kuba batamiivu, nga balimu ekitiibwa, nga beegendereza nga balina obulamu olw'okukkiriza, olw'okwagala, olw'okugumiikiriza: 3 n'abakazi abakadde bwe batyo mu kifaananyi kyabwe nga beewombeeka, si abawaayiriza, so si abafugibwa omwenge omungi, abayigiriza ebirungi; 4 balyoke beegenderezesenga abakazi abato okwagalanga babbaabwe, okwagalanga abaana baabwe, 5 okwegenderezanga, okuba n'obulongoofu, okukolanga emirimu mu nnyumba zaabwe, okuba n'ekisa, okugonderanga babbaabwe, ekigambo

kya Katonda kiremenga okuvumibwa:

Engero 12:4 Omukazi eyeegendereza ngule eri bba: Naye aswaza kivundu mu magumba ge.

Engero 14:1 Buli mukazi ow'amagezi azimba ennyumba ye. Naye omusirusiru agyabya n'emikono gye ye.

Engero 19:13 Omwana omusirusiru nnaku za kitaawe: N'okuyomba kw'omukazi kwe kutonnya olutata.

Engero 21:9,19 Beeranga ku nnyumba waggulu awafunda Olemenga okubeera n'omukazi omuyombi mu nnyumba engazi. 19 Beeranga mu nsi ey'eddungu Olemenga okubeera n'omukazi omuyombi anyiiganyiiga.

Engero 25:24 Beeranga waggulu ku nnyumba awafunda, Olemenga okubeera n'omukazi omuyombi mu nnyumba engazi.

Engero 27:15,16 Okutonnya olutata, obudde nga bwa nkuba nnyingi, N'omukazi omuyombi bw'afaanana: 16 Ayagala okumuziyiza aziyiza empewo, N'omukono gwe ogwa ddyo gulwana n'amafuta.

Engero 31:10-31 Omukazi omwegendereza ani ayinza okumulaba? Kubanga omuwendo gwe gusinga wala amayinja amatwakaavu. 11 Omutima gwa bba gumwesiga, So taabulwenga magoba. 12 Amukola bulungi so si bubi Ennaku zonna ez'obulamu bwe. 13 Anoonya ebyoya by'endiga ne ppamba, N'akola emirimu n'engalo ze n'essanyu. 14 Ali ng'atnaato ag'abasuubuzi; Emmere ye agiggya wala. 15 Era agolokoka nga bukyali bwa kiro, N'awa ab'omu nnyumba ye ebyokulya, N'agabira abawala be emirimu gyabwe. 16 Alowooza ennimiro n'agiguia: Asimba olusuku olw'emizabbibu n'ebibala eby'emikono gye. 17 Yeesiba n'amaanyi, N'anyweza emikono gye. 18 Alaba ng'obuguzi bwe bulimu ettunzi: Ettabaaza ye tezikira kiro. 19 Ateeka engalo ze ku muggo ogubaako ppamba, Emikono gye ne gikwata akati akalanga. 20 Ayanjululiza omwavu omukono gwe: Weewaawo, agololera emikono gye oyo eyeetaaga. 21 Omuzira tagut:ira ab'omu nnyumba ye; Kubanga ab'omu nnyumba ye bona bambadde olugoye olumyufu. 22 Yeekolera amagodooli; Ebyambalo bye bafuta nnungi n'olugoye olw'effulungu. 23 Bba amanyibwa mu miryango, Bw'atuula mu bakadde ab'ensi. 24 Atunga ebyambalo ebya bafuta n'abitunda; N'awa omusuubuzi enkoba. 25 Amaanyi n'okutiibwa bye byambalo bye; Era asekerera ebiro sbigenda okujja. 26 Ayasama akamwa ke n'amagezi; N'etteeka ery'ekisa liba ku lulimi Iwe. 27 Alabirira nnyo empisa ez'ab'omu nnyumba ye, So talya mmere ya kugayaala. 28 Abaana be bagolokoka ne bamuyita wa mukisa; Ne bba, n'amutendereza ng'ayogera nti 29 Abawala bangi abaakola eby'okwegendereza, Naye ggwe obasinga bona. 30 Okuganja kulimba n'obulungi tebuliiko kye bugasa: Naye omukazi atya Mukama ye anaatenderezebwanga. 31 Mumuwenga ku bibala eby'emikono gye; N'emirimu gye gimutenderezenga mu miryango.

Pastor T. John Franklin

Church of Salvation, Healing, and Deliverance

COS-HAD.org